



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA

O PRISTUPANJU PROMJENI NAMJENE NEANGAŽOVANIH KREDITNIH SREDSTAVA ODOBRENIH KOD RAZAVOJNE BANKE FEDERACIJE BIH (Prijedlog)

Predlagač: Odbor za budžet i finansije
Obrađivač: Stručna služba
za poslove Gradskog vijeća

Sarajevo, decembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovi člana 26. stav 1. točka 2. i člana 71. Statuta Grada Sarajeva ("Službene novine Kantona Sarajevo", broj 34/08 - prečišćeni tekst) Gradsko vijeće Grada Sarajeva, na _____sjednici održanoj dana _____godine, donijelo je

ODLUKU
O PRISTUPANJU PROMJENI NAMJENE NEANGAŽIRANIH KREDITNIH
SREDSTAVA ODOBRENIH KOD RAZAVOJNE BANKE FEDERACIJE BIH
(Prijedlog)

Član 1.
(Predmet Odluke)

Ovom odlukom pristupa se promjeni namjene neangažovanih kreditnih sredstava ugovorenih kod Razvojne banke Federacije BiH, a na osnovu Odluke o odobravanju kreditnog zaduženja („Službene novine Kantona Sarajevo”, broj 25/20) Gradskog vijeća Grada Sarajeva.

Član 2.
(Promjena namjene)

- (1) Organi Grada Sarajeva su opredijeljeni da se iz kreditnih sredstava Razvojne banke Federacije BiH ne finansiraju sljedeći projekti:
 - a. projekat objekta ugostiteljskog turističkog sadržaja i vanjskog uređenja lokaciji Čolina Kapa,
 - b. rekonstrukcija parka "FIS",
 - c. idejni projekat uređenja platoa Kasarne Jajce,
 - d. rekonstrukcija objekta „Vječna vatra“ (izuzev izrade projektne dokumentacije),
 - e. projekat zatvaranje terase bazena Otoka,
 - f. izgradnja biciklističke staze i
 - g. rekonstrukcija i sanacija Ramića potoka.

- (2) Organi Grada Sarajeva su opredijeljeni da se iz sredstava koja su bila planirana, a nisu angažovana, u ukupnom iznosu od oko 2.400.000,00 za realizaciju projekata navedenih u stavu (1) ovog člana, ravnomjerno sufinansira realizacija kapitalnih projekata gradskih općina, odnosno Grada Sarajeva i to:
 - a. Izgradnja sportsko rekreativne zone Park Šuma Hum
 - b. Izgradnja SRC „Vinko Šamarlić“ Velešići
 - c. Izgradnja vodovodne mreže u ulici Kralja Stjepana Tomaševića
 - d. Izgradnja objekta Sportsko rekreacionog centra Dobrinja sa otvorenim bazenom
 - e. Rekonstrukcija Trga Barcelone - II faza
 - f. Park Betanija - moderno okupljalište mladih i porodica s djecom kroz rekreativno sportske sadržaje i školu u prirodi – izrada idejnog projekta
 - g. Rekonstrukcija ulice Musala
 - h. Sanacija Koševskog potoka
 - i. Čista rijeka Miljacka
 - j. Izgradnja objekta Vidikovac na Trebeviću
 - k. Smart City Sarajevo
 - l. Olimpijski bazen Otoka

Član 3.
(Izmjena Odluka o odobravanju kreditnog zaduženja)

- (1) Gradonačelnica će predložiti Gradskom vijeću Grada Sarajeva izmjene i dopune Odluke o odobravanju kreditnog zaduženja („Službene novine Kantona Sarajevo”, broj 25/20), u skladu s opredjeljenjima iz člana 2, ove Odluke, tako što će u odluci biti precizirani kapitalni projekti za koje su namjenski utrošena kreditna sredstva, odnosno projekti za koje se planiraju utrošiti sredstva, uključujući i maksimalan iznos zaduženja za finansiranje svake od navedenih kapitalnih investicija.
- (2) Predložene izmjene i dopune će sadržavati i obavezu Gradonačelnice da, prema opredjeljenjima iz izmijenjene i dopunjene odluke Gradskog vijeća, donese odluku o svakom zaduženju posebno s elementima, u skladu sa Zakonom, i o tome izvijesti Gradsko vijeće, te na osnovi tako donesenih odluka, sa Razvojnog bankom Federacije BiH ugovori prenamjenu neutrošenih kreditnih sredstava.

Član 4.
(Stupanje na snagu i objava)

Ova odluka stupa na snagu danom donošenja i bit će objavljena u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje ove Odluke sadržan je u odredbi člana 26. stav 1. točka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojom je utvrđeno da Gradsko vijeće Grada Sarajeva, između ostalog, u okviru svojih nadležnosti donosi: odluke, druge propise i opće akte i daje njihovo tumačenje, i člana 71. kojim je propisano da Grad Sarajevo samostalno raspolaže prihodima koji mu pripadaju i može se zaduživati i zaključivati ugovore o kreditu, o čemu odlučuje Gradsko vijeće, u skladu sa Zakonom.

RAZLOZI DONOŠENJA

Gradsko vijeće Grada Sarajeva je 2020. godine donijelo Odluku o odobravanju kreditnog zaduženja („Službene novine Kantona Sarajevo“, broj 25/20), pozivajući se na član 67. Zakona o budžetima Federacije BiH („Službene novine Federacije BiH“, br. 102/13, 9/14, 13/14, 18/15, 91/15, 102/15 i 104/16), član 1., 7. i 21. Zakona o dugu, zaduženju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 45/10 i 30/16) gdje je propisano pravo i obaveza Gradskog vijeća da odlučuje o zaduženju Grada Sarajeva, te između ostalog i način i postupak zaduženja, a za što je osnov opredjeljenje Gradskog vijeća o kapitalnim investicijama.

Odlučeno je da će se Grad Sarajevo zadužiti kreditom kod Razvojne Banke Federacije Bosne i Hercegovine za finansiranje kapitalnih investicija i to:

- Izgradnja biciklističke infrastrukture na području Grada Sarajeva,
- Sanacija zacijevljenog dijela Bistričkog potoka,
- projekat objekta ugostiteljskog turističkog sadržaja i vanjskog uređenja lokaciji Čolina Kapa,
- Iluminacija objekata u Gradu Sarajevu,
- Projekat izrade kanalizacionog sistema za potrebe gornje stanice žičare,
- Pjeskarenje kamenih zidova korita Miljacke,
- Poslovni objekat Vidikovac sa vanjskim uređenjem,
- Sanacija zacijevljenog dijela Ramića potoka,
- Rekonstrukcija parka "FIS",
- Rekonstrukcija "Muzeja Vijećnice",
- Rekonstrukcija i rehabilitacija zgrade željezničke stanice Bistrik u Sarajevu,
- Projekat sanacije tunela Ciglane,
- Idejni projekat uređenja platoa Kasarne Jajce,
- Rekonstrukcija objekta Vječna vatra i
- Projekat zatvaranje terase bazena Otoka,

u iznosu od 10.000.000,00 KM u formi novčanog kredita, pri čemu godišnji iznos servisiranja duga ne može preći 10% prihoda ostvarenih u prethodnoj fiskalnoj godini pod sljedećim uslovima:

- Iznos kredita: 10.000.000,00 KM
- Rok otplate: 144 mjeseca
- Grejs period: 12 mjeseci
- Kamatna stopa: 2,5%
- Otplata kredita: mjesečna

Međutim, dio ugovorenih kreditnih sredstava nije utrošen, odnosno određeni projekti za čiju realizaciju su namjenski ugovorena kreditna sredstva kod Razvojne banke Federacije BiH, nisu započeti, ili je opredjeljenje organa Grada Sarajeva da se sredstva neće utrošiti za ranije planiranu namjenu.

Organi Grada Sarajeva su preispitali opravdanost angažmana kreditnih sredstava koja će opteretiti budžet Grada Sarajeva u narednih 12 godina, za realizaciju određenih projekata.

Preispitivanje je rezultiralo opredjeljenjem da se iz kreditnih sredstava ne financira nastavak realizacije određenih projekata i to:

- projekat objekta ugostiteljskog turističkog sadržaja i vanjskog uređenja lokaciji Čolina Kapa,
- rekonstrukcija parka "FIS",
- idejni projekat uređenja platoa Kasarne Jajce,
- rekonstrukcija objekta Vječna vatra (izuzev izrade projektne dokumentacije),
- projekat zatvaranje terase bazena Otoka,
- izgradnja biciklističke staze i
- rekonstrukcija i sanacija Ramića potoka.

a da se umjesto toga, u komunikaciji s Razvojnou bankom Federacije BiH, namjena kreditnih sredstava izmijeni tako da se iz ovih sredstava financiraju projekti navedeni u predloženoj odluci, vodeći računa o tome da se sredstva ravnomjerno rasporede na projekte na teritoriju svih gradskih općina.

S tim u vezi, potrebno je izmijeniti Odluku Gradskog vijeća o odobravanju kreditnog zaduženja („Službene novine Kantona Sarajevo”, broj 25/20), a koja čini osnov za ugovaranje zaduženja kod kreditora, pa tako i za izmjenu namjene kreditnih sredstava, a kako bi se uskladila s iskazanim opredjeljenjima i dopunila nedostajućim elementima koje propisuje Zakon o dugu, zaduženju i garancijama u Federaciji Bosne i Hercegovine.

PREDLOŽENA RJEŠANJA

U članu 1. se navodi predmet odluke.

U članu 2. se predlaže promjena namjene, tako da se sredstva ulože u sufinansiranje projekata gradskih općina, s okvirnim iznosima koje bi Grad Sarajevo uložio iz kreditnih sredstava u iznosu od oko 900.000,00KM, odnosno za gradske projekte za koje bi Grad Sarajevo opredijelio okvirno sredstva u iznosu od oko 1.500.000,00

Izgradnja sportsko rekreativne zone Park Šuma Hum	100.000,00
Izgradnja SRC „Vinko Šamarlić“ Velešići	150.000,00
Izgradnja vodovodne mreže u ulici Kralja Stjepana Tomaševića	75.000,00
Izgradnja objekta Sportsko rekreacionog centra Dobrinja sa otvorenim bazenom	175.000,00
Rekonstrukcija Trga Barcelone - II faza	50.000,00
Park Betanija - moderno okupljalište mladih i porodica s djecom kroz rekreativno sportske sadržaje i školu u prirodi – izrada idejnog projekta	50.000,00
Rekonstrukcija ulice Musala	100.000,00
Sanacija Koševskog potoka	250.000,00
Čista rijeka Miljacka	400.000,00
Izgradnja objekta Vidikovac na Trebeviću	500.000,00
Smart City Sarajevo	150.000,00
Olimpijski bazen Otoka	400.000,00

Stvarni iznosi će proizaći iz komunikacije Grada Sarajeva sa gradskim općinama, odnosno po okončanju pripreme gradskih projekata.

U članu 3. se utvrđuje obaveza izmjena i dopuna Odluka o odobravanju kreditnog zaduženja

U članu 4. se propisuje stupanje na snagu ove Odluke i objava u „Službenim novinama Kantona Sarajevo“.

FINANSIJSKA SREDSTVA ZA PROVOĐENJE ODLUKE

Sredstva za realizaciju ove odluke se planiraju u Budžetu Grada Sarajeva.